



-Pamebhamé

'Nimlo : 008 'Su : -Wɔɔ

-Kwɛ : 2005

'su -bha 'sëédhe -mü

Blowo

-Wo kpö =bhlözë

'Wuntao bɔ 'sëédhe =ne -më -kë 'ö =bɛɛn ü -de -wo 'gü i ?

-Më -kë 'ö 'wo- =bɛɛn- =Dan -wo 'sloo 'gü i ?

-Më -kë 'ö yaa =bɛɛn' - 'kwi -wo -nu, =glɛɛ' -wo -nu, 'Lüma -wo -nu -an gbɛ 'gü i ?

-Wo =vava -nu 'ö 'kwa -an 'tɔ pö bhë, -wo -an -dɔ 'kpongtaadhe -todhöüsü 'gü, -an -bha -kë =bhlözë -sü bhë, -wo -zɔn 'kpongtaame 'kpekpe wö 'dhiö -sü 'ka.

-Yö -dhe -ma -kun 'pö kö 'kwa- -zɔn =ne kwa 'kpɔ -wo 'ö =Danwo 'ka bhë, -yö 'bhee-, 'yö- -bha kö -a -bha -kë =bhlözë -sü bhë 'kwa- -zɔn mɛ -nu dhë =ne -kɔ 'ö -wo mɛ 'wo to 'kwa -an -bha 'wun ma -a 'ka bhë -a 'dhö.

-Wo -nu 'ö -Zlan -ya -da 'kongtaa bhë, -a 'bhaa gbɛ 'yaa

'Sëédhe =ne -a =bɛɛn -sü -gen tɔɔ -më -ɛ ?

=bhlözë -yaan zië ö 'bha -ta. Pë 'yi- -dhe ka -gɔ 'ö tɔɔ kö mɛ 'ö -dhö -yö ö -de -wo 'sü -së =ne -kɔ 'ö -wo mɛ 'wo to 'wo- 'ka -a 'dhö. -A -wun 'gü -yö -dhe -ma -kun kö ü -de -wo bhë 'ü- =daan'.

-A -wun 'gü, yi -bha mɛ -nu -wun 'gbeezë, 'wuntao bɔ 'sëédhe =ne yi- -bho gɔu 'dhö kö pë 'ö- -wun to kwa -gɔ bhë, -ya -ta pa ; 'iin 'zü kö 'wun -nu 'wo kë -na kwa -bha =daanwo pö 'pian -ta oo, Kativɔa -se 'gü oo, 'iin 'kpongtaadhe 'kpekpe 'gü kö =kun 'kwa dho -ya kwa tii -bha -a -wun 'gü.

=Ya 'gomü, -yö -së kö 'ü- kë =ne gɔɔn- 'wo- 'tɔ kpɔ Samali mi këwun -sëözë 'ka bhë -a 'dhö. Gɔɔn- 'ö bhë -yö -kpën mɛ do -bha ziandhö kö këpëyaame -nu =waa- -gi, -yö

waannu -sü 'ka -kpinng 'dhiö. 'Yö- sü 'yö dhoë 'wo- 'dhe -kë 'yö -kë 'pönöpönö. =Ya kë -be Samali mi =ne yaa nu mɛ 'wo- -gi bhë -a -dhë -be -më 'ö dhoë- kë -o? Gɔɔn- 'ö bhë, -yö -dhö -ga zian -ta 'kpaan 'waawa.

-A -gen tɔɔ 'ö =ya kë ne ü 'ka ü -de -wo =bhlö -ya -a -bha, 'töng 'bhaa -dhö dɔ 'ö =dhɔng 'ö go 'se -ta.

=Ya 'go mu, mɛ 'ü ü -dewo =bɛɛn' -dhe dɔ, ü -mɔa 'ü dɔ ü -yayɔɔ -gban -gɔ. -Bhö kë =ne Samali mi 'dhö, 'ü nu -a -dhë. =Ya kë =ne 'wun 'bhaa -yö ü -gɔ kö 'üen- =bleɛ' - yi -dhë, yi -bha dresü 'ö =ne :

08 B.P 857 Abidjan 08



L'orthographe DAN Blowo

Voici ce que nous pouvons prendre pour savoir lire et écrire en langue Dan.		ɛ	'pɛ	déchirer	ö	pö	dire	
Les consonnes et les voyelles que vous ne voyez pas ici sont les mêmes qu'en français.		ɛɛ	=dɛɛ	aujourd'hui	öö	=töö'	panier	
Attention:			=sɛɛ'	natte	u	'su	lune	
1. c, h, j, qu et x n'existent pas en dan.		ɛn	-gen	piéd	un	bun	corps	
2. r ne se trouve jamais au début d'un mot.		ɛɛn	=gbɛɛn	long	uun	'yuun	asticot	
Voici le reste de l'alphabet :		'ɛ	'pɛ	crédit	ü	'gü	intérieur	
Lettres	Exemple	Traduction	ɔ	'kaɔ	daba	üü	=glüü'-	frotter
Aa	'kaa	gale	ëɛn	=klëɛn	entourer	üö	'güö	brûler
An	'gan	tirer	ea	'kpea	sec	öö	=bhöü'-	tarir
Aan	=saan'	cadeau	ean	gean	scorpion	-Wo 'dho -kɔ (Les tons)		
ɔ	kaɔ	perdrix	gw	-gwö	caillou	1 'lü	ton Haut	arbre
ɔn	daɔn	araignée	in	'bɛn	fleur, image	2 dë	moyen	père
bh	-bho	cabris	iin	'iin	ou	3 =zɛ	bas	termite
dh	dhe	mère	ee	'gbee-	fort	4 -tɔ	Tombant	Poule
ë	dë	père	kw	=kwaa-	main gauche	5 lan-	moyen + tombant	Soleil
			ng ¹	gbeng	nuit	6 'Zlaa-	haut-tombant	→Petit frère
			oo	'too	sauce	7 =glaa-	Bas-tombant	→Palmier
			ɔ	-dhɔ	amour	8 =laa'	Bas-moyen	→panthère
			ɔɔ	=wɔɔ-	singe	9 =Sɛɛ'-	Bas- moyen-tombant	: orange
			ɔn	'yɔn	huile			
			ɔɔn	=Sɔɔn	comportement			

Kwa -bha =Dan -se 'gü -wun

'Maan -se 'pian -ta, -glu -bha -da kwa -se 'gü -sü bhë =ya 'yaan, -a -wun 'gü -kəlokota do 'bhaa 'wo- -dhe Selaŋfen (Séraphin) bhë, =waa- kē 'ma. -Kəlokota 'dhö bhë, -a -gban -gen təə kē -wo də mē -nu 'ö -glu =ya -an kē 'yenazē bhë, -an -gban

-Kəlokota 'wo- -dhe selaŋfen

-gə. -A -wun 'gü, 'ö =ya kē 'wo sə -nu, -bhöpē -nu 'iin mē -nu -mawun -yö -a -bha pē 'saadhö, 'wo- -glu -an 'ka, kō -waan wo -zo kēa wo -de 'piö 'töng 'gbegbe 'ö 'kwa bə -na -a 'gü kwa -bha 'se =nē -a -ta bhë -a -wun 'gü.

-A -wun 'gü, -a -dhe -sü -mü mē dodo 'saadhö ka -gə, kō mē 'ö -dhö -yö ö -kə -da 'wun =nē -a 'gü kō -kə =suu' -'ö =suu' -'yö dho ö -kə =daa' mē -nu 'wo =nē -an -dhë -ya kēa. -èYö -kē sə 'ka oo, -yö kē -bhöpē 'ka oo, -yö

'wëü -de 'ka oo, -ya kē. -Kəlokota bhë -a =bidhong -yö 'Maa pē- yaandhe gia- -bha, -a 'guungə 'wo- -dhe Liblövillö bhë -a 'gü. =Dhë 'töüdhö =ya kē ka -gə, -ka 'dho =Bidhong 'kpīi- bhë -a 'gü 'ka- 'kpə, -wo -dho -a -daa kē ka -dhë.

'Kətivəə -se 'gü -wun

-Dadhëü 'nē -nu 'wo =zlöö =nē 'waa wo -zota wo -bha -dhekpaadhia -wun 'gü. -Ka -ya ka 'yaan 'ö təə Minitrē 'ö yö -dadhëüzē -nu -bha 'wun -dhë 'dhiö bhë, -a -kwe =plē 'yö =nē, 'yö -kə 'wo -dhö dā -dadhëüzē -nu -gbangə -an -bha -toseadhe kē -sü -nu 'gü bhë, 'yö -dhega -a 'slē kē -kə 'bhaa -nu 'gü. 'Kē -zotadhe -nu bhë -a kē -sü 'gü ε, -wa -yö mü =nē : =wa -dadhëüzē -nu

-Dadhëü 'nē -nu -bha =səən kē -sü.

'ö -an -kwe -yö sü 'gəədo ö ga =plē -bha 'ö yöë 'gəəplē ö ga -yiisiē -bha, =wa -an -vuuplē ö -ta 'slado waa -dadhëüzē 'gəə- 'səədhü (2650) kpö 'sü 'kwipö -yaaga 'gü, -a -dadhëü 'nē dhoonu -vuu do =Kənnŋ' 'səədhü waa mē 'gəə- 'səədhü ö ga 'slaplē, waa- 'nē gəəñ- -nu -vuudo 'gəəseisiē ö ga -yaaga 'ö =niē' -sü -bha -sü 'koë- =yua' 'dho -an =zēn' -sü 'gü. Bhii 'ö təə -an -bha =sēε' -kē do -sü

bhë, -an -kwe yaa -mə, -wo -yö wo -de -zoë 'zodhö. 'Ö -a -wun 'gü, 'nē -nu 'wo bhë, 'ö -sü 'koë- =yua' =plëzē 'dhö -a mē =plëzē -bha. =nē mē 'ö- -kwe yaa -mə -a -bha 'gu 'sü -sü -nu 'dhö, 'iin 'gu -sü -de tii -sü -nu, 'iin 'zü 'töng =nē -a 'gü -sü 'koë =yua' 'wo- -dhe 'SIDA bhë -an 'dhö. -A pē 'ö -dhidhaa -wun 'ka mü 'ö təə -dadhëüzē -nu 'wo bhë =ya kē -wo wo -de -nu 'taa-

'dhiö- mü -sü, sigatii nu, yə -nu, 'iin -dega 'wo- yö -na wo -bha -waan =kun 'dho -na dhe 'piö bhë, -a yö -kə yaa -nu, pē -nu 'wo bhë 'tëüdhö, -wa -kē 'ö -an -ma =klang' -wun -nu -wo -zuö 'a 'gü. -Kwa də kwa -bha 'nē -nu -gban -gə -toseadhe kē -kə -sē 'ka kwa 'saadhö kwa -bha 'gludhi -wun 'ka, bhii -a mē do 'klo -yö bhə -na, kō kwa -bha -dhekpaadhia 'ö- 'klo dhö bhə -na bhë.

'Kpongtaadhe -wun

Metii -se -bha kē 'yenazē -sü bhë, -kə 'ö mē dho =kpəə' -a 'gü -a 'ka, 'səgə 'gblöögblö 'sləaga (8) -wo -dhega 'wun bhë -a 'gü -an -bha -yakoë =va 'wo- -kē Angletē -pö 'wo- -dhe Ekəsü bhë -a 'gü. -An -bha -yakoë bhë -a -ta, 'wun 'wo- =blē -a -ta 'ö təə : -də metii -se -gbangə -kə 'wo dhoë- kē 'ö təə kō -wo 'wëü- -vuu mlia -vuu 'gəəplē ö ga -yiisiē, =kənnŋ' 'sləga ö

-kə do nu -a -dhë, =ya 'go mü, -wo dəen -nu -ya zian- -sü -nu 'wo 'dhəədo 'səgə sonng -bha -sü kē -na 'gbee- bhë, -wa =gbaanu. =Ya 'go mü, 'wëü -vuu mlia -vuu 'gəədo ö ga -yiisiē, =kənnŋ' 'sləga ö -kə 'sləaga ö ga 'slado (14 886) 'ö- pē 'dho metii -se 'gəədo ö ga -yiisiē (14) 'wo 'fēesē -an -bha bhë, -wo -an -mawun 'to -a 'ka.

Yi- 'piö 'yi ka 'paan bho =nē : -dēmədhe 'ö 'səgə 'gblöögblö 'sləaga 'wo =nē 'wo 'dhoë- nu bhë, -a tənnŋ do mü 'ö təə kō -wo yuö kē 'wëü bhë -a 'ka -sē 'ka, -wo 'se =kəən -sē 'ka 'iin kō -wo də =flüü -pē -sü mē -gə -sü -gə 'yēnnŋ. =Ya 'gomü, 'wëü- -a nu 'wo 'dhoë- wo bhë, -a -gen 'bhaa təə kō -wo zian -nu -yuö kē -a 'ka, -wo =dhəngtrəə =plöödhe

-nu də, 'iin 'zü =klang' 'kə -nu də -sü -nu, waa 'wun -gban SIDA =yuan' -wun -bha. 'Wun -nu bhë 'töüdhö, -wo -dhoë kē 'ö 'fēe dhosea kwa -bha metii -se -nu 'gü, bhii melü -vuu mlīən =kənnŋ' -yaaga ö -kə =plē 'wo 'fēezē giagiawo. =dhe 'ö -kē 'dhö bhë, -kwa nu kwa 'ko -dhë 'slē =plëzē -nu, yuö -nu 'ka =zuöga -kē do -sü 'ka.



Metii -se -bha 'yena kē -sü.

'Se 'gla -wun waa - Me =slao -pe -wun

'Wun 'ö-gban 'yuö- -to -sü -bha.

<p>-Dadhëüzë kpö 'bhaa -nu =wa kë =dëe wo -bha 'dhiösüme -nu -gö =luu' me 'ka Ayame 'kobhli 'gü kwipö 'wo- -dhe Aboaso bhë -a -bha.</p> <p>-Dadhëüzë -nu 'wo bhë, -wa -pö wo -bha 'dhiösüme -nu -dhë: -ka yi gbaa -kəmowuën -sü</p>	<p>'ka kö pë -gban 'yuö- -to -sü waa- -a 'dhoo dö -sü kö 'yiën- kë.</p> <p>-Wo wo -bha yuö bhë -a züdo 'wëü -vuu mliön =plë waa ö 'gbu 'ka. =Dhe 'su 'slado ziö -yi 'ka, dö 'kwa wo =dëe në yuö 'wo- -kë bhë -yan =saan bho -sü 'gü, =ya ke 'wëü -</p>	<p>vuu -yaaga 'iin 'wëü -vuu 'göödo -nu 'wo =slao -dhekpaoyi do 'ka, -a -de kwa dhoë- pö 'wëü -vuu 'gööplë.</p> <p>Pë 'yi- 'piö 'yi- =blëe' - 'ö tää, 'yuö- -to -sü bhë, -yö 'wëü- -slao -a 'gü -pë do 'bhaa 'ka -dadhëü</p>	<p>-nu 'iin me zii -nu -an -bha 'ka.</p> <p>'Go me 'ö -dhö -yö =zlöa =kpaö 'sü 'wun =zöan =ne -a -ta kö -wo 'dho wo 'ko =bhaa -waan yuö -nu 'slë =mëe' -ne -kö bhë -a 'dhö. =Faan' kë ka -gö =va.</p>
---	--	--	---

'Wun 'ö-gban -potaasü-wun -bha. 'Wun 'ö-gban -bhöpë yaa 'yua -bha.

<p>'Dhiö -sü kwa -bha 'se 'ka -me -nu =wa bö kwa -bha =dhongtröö -nu -bha minitrë -ta, -wa -pö wo -dhö dö -bhöpë yaa 'yua -gö 'yennng. 'Këe kë- wo 'dhö bhë, -kölökota do 'bhaa 'wo- -dhe GEN (gain) 'ö go swissü bhë, =ya 'wëü -vuu mlia do waa mliön =kënnng' 'söödhu, yuö =bhlëzë 'ö bhë -kö -döagö -pë 'ka. Yuö bhë -a -gban -sü -gen tää kö -wo -bhöpë 'ö =faan'</p>	<p>-nu me bun -dhë wo- dhe vitaminö bhe, -wa kë.</p> <p>-Kölökota 'wo- -dhe GAIN 'dhö bhë, me -nu 'wo dhö dö -an -gban -gö 'wo tää : HKI. Me bungüdhe -bha bhöpë bhë, -wo dö kwa -gbangö kö pë 'ö -dho kë 'në -nu 'iin dhoonu -bha ga böata 'ka bhë -yaan =gbaanu. -Wa -pö 'në 'kpa -dhoonu -dhë -wo -bhöpë -bhö ö -bhö -kö -së 'ka, 'iin kö -wo</p>	<p>-bhöpë -siëgü kë. =Ya 'gomü, 'töng 'wo- 'ka 'guzë bhë, -wo 'dho =dhongtröö -nu 'piö -kplawo kö -wo -an -ga. -A -kë 'dhö -sü bhë, -potaasü -dhö kë -an -gö kplawo. -Kö do bhë -a 'ka 'ö 'në -nu 'dhoë- 'ka, bhii 'ne 'ö- bungüdhe 'dho potaasü 'ka -yö -kpa -bla 'ka së 'ka. -Kwa kwa -zo ke kwa -bhöpë 'piö, kö 'kwa pë bhö ö -bhö -kö -së 'ka</p>
---	--	---

Bho -sü =plëezë

<p>-A kë -sü kö me =plëezë -wa -dhö kë gbaö -pë 'ka bhë, kwa -dhö =kploo -a -wun 'ka a? =Taan' 'ö -kë 'dhöödöme 'ka -a -bha 'wun -gen pë 'bhle =ne -ka ka 'toto -a -bha. 'Yinia -yi do 'ka 'yö dho kafeyi 'köödhö, 'yö -kpën ziö -me do -bha, 'yo- -dhe kafeyi 'ka. 'Ö göön- bhë 'yö- pö -a -dhë : =iidhö, =ya dhi -bhö 'dho ü 'dhiö, ü zuö =duö. 'Ö 'dhöödöme =sia 'yo- pö : gbaö 'a- -kë ü -dhë -bhö nu.</p>	<p>'Wun 'ö-gban gbaö kë -sü -bha.</p> <p>=Dhe 'ö- pö 'dhö 'waa kö göön- bhë -ya pö -na : =ëë, 'ma- ma, kö -yö -së, -ka -ma 'taasü do dan. 'Wo- dan 'wo- nu -a -dhë. =Dhe minitö 'göödo ö ga 'söödhu (15) =ya ziö, 'yö- pö, -ka 'taasü 'gü do 'bhaa nu 'zü, bhii kafeyi bhë -a din -kë -së.</p> <p>=Dhe =ya kë 'dhö 'ö 'dhöödöme =Taan' -ya pö -a -dhë: -a me bhë ö dhoë- dho zlöö; 'wëü 'gööplë (20) -mü. 'Ö göön- bhë 'yö- pö -a -dhë : -aa</p>
--	---

kö -yö -së, -yö 'to 'dhö, yi gbe 'ka.

'Ö kwaa kwa -zo kë kwa -de 'piö, -ya gbaöpë -dhö 'ka -sü -wun bhë, kwa -dho kwa -de kë -dhidhaazë, 'iin 'zü kwa -dho kwa -de =bhlë bho kwa -ta. =Dhe -kë 'dhö, -kwa dö kwa -bha 'ne -nu -gbangö kö =kun 'ö -ya gbaöpë =dhöa' -sü, 'iin pë -yö -feifeidhö -sü -dhö dhoë- kë kö -waan wo -de 'dhöödo, 'iin 'zü -waan wo -de =bhlë bho wo -ta.

'Yee -wun

<p>Göön- do bhë, -yö kë bu -blükëme 'ka, 'Yö dho 'töng do 'ka -büö -da =dhia 'ö gbö -dhë 'kwi =plöö. -A -bha -wo 'kwi =plöö -sü -blëezë =ne 'ö dhoë 'dhö bhë. Göön- bhë -dhe =ya 'po, =tele bhö -sü zü =ya dö, -a -ga -sü 'ö =yaa 'sü =ne, -bhöpë 'yö- bho -a 'dhiö. =Dhe 'ö- -dho plöö -yi 'dhö 'to -na 'tee, 'ö-</p>	<p>gbö -ya -bha 'blükë -bu -dëü do dho 'yö- nu -a -dhë. 'Ö- dö ö -wodhe =bhaa. Yi do 'ka =dhe 'ö- gbö -yö dho yuö 'dhiö, 'në -nu =wa 'dho =klang' 'dhiö ; -a gbö böö 'ö wo -nu 'wo to bhë, -yö -bhöpë -kpa =dhia. =Tele -ga me 'ö dhoë- wo zlöö bhë, -dhe 'ö- -ga kö =zloo göön =va bhë, =ya -wo -a 'dhiö =tele 'gü -gaan</p>	<p>dhö. 'yö =luu- 'wa -slëedhö , bu 'ö =sia, 'yö- sü, 'yö nüë kö 'yaan -dëü -dhe 'gü dan =zloo -bha. =Kwëesëme -kö dhe 'siö- -zë -mü. -A bu 'sü -sü, 'böü, kö bu =ya 'we =zloo waa =tele -an -bha. -Vënnng, =tele =ya 'kan 'köë-, 'këe 'yaa -kpën -na =zloo =glöö -bha.</p>
--	---	---

Kese Alüfönsë

-Piën

<<=Nëng' -gen -viin 'yaa dɔ. >>

--Piën 'ö kwa -mɛ -nu 'dhoë- bɔ -na bhë, -wa -kë 'dhö kö -yö kë kwa -zo -büö -pë 'ka. 'Töng 'kwa dɔa =nɛ, -yö 'töng yaa giagia 'ka, 'wun -sü -dhe 'yaa mü =gbɛɛn.

-Dadhëü do -yö -go ö -go plöö 'ö -kë 'dho =dhia pö- gbɛ 'gü. =Dhe =ya ziö

'siödhe do -bha, 'ö -kpën mɛ do 'ö 'bhlaa 'dhoë- -go -a -bha. 'wo 'ta su wo 'koë -së 'ka 'wo dhoë. Wo 'to 'wo- to kö mɛ -nu -wo =gblaagbla -na 'gbee- 'ka wo =woë' =nɛ : « =kwaan -mɛ, =kwaan -mɛ, », kö -bla -mɛ -nu =wa -lo 'saadhö. -A 'ta 'yɔɔ 'ö 'bhla -yö -kë -a -go =sia, kö

=ya ziö -bla 'ka, =ya 'bhlaa 'to sia-. 'Ö -dadhëü 'në bhë 'wo- kun, 'wo- -ma, 'wo dhoë =zang -nu 'dhiö 'kwi =plöö. =Zang -nu -de 'pö, 'wo dhoë 'Zusü =plöö (zadɔ 'go 'kɔɔdhö). Za do -yi 'ka, 'ö zadɔ 'go 'wo- -dhe 'kwiwo 'gü 'Zusü bhë 'yö- pö -dadhöü 'në bhë -a -dhë,

-më -kë 'ö waa 'bhlaa =kwaan -mɛ 'wo -ta wo 'koë ε? -A -wun 'gü 'wo -kwe 'sɔɔdhu (5) -kanso nu -a dhë. (=nëng' -gen -viin -giagia 'yaa dɔ)

Kese Alüfönsë


'Wun -taɔ

1)- 'Sëedhe -be 'në -nu 'ö- -an -yö plaan -sü 'yaa =gbɛɛn gbɔ 'wo =nɛ :

- 1) **" Yesu Klito tɔɔ 'kpongtaame -nu Dhame "**
- 2) **Yesu 'Klito -bha mɛ =daan' -wo -nu**
- 3) -A mɛ 'ö -gban 'Lükia -bha mɛ kë kɔ waa- -a 'dhe kë -kɔ -bha 'Wo- -dhe : **=Göö- waa- 'lükia**
- 4) **'Yua =plëezë waa- ö 'dhe kë -kɔ -nu**

2)- -kwa -Zlan zuö pö =va 'wun =ya yën. Mɛ -nu -wo -kë -a -ta =va, Pë -nu 'wo- =daan =klang' bhë -a -ta -nu 'ö- kë -na kwa -go 'sɛ 'gü 'töng 'yö- 'yi -kan mɛ 'dhi giagiawo. bhë, -wo -dhö -a -da yuö 'piö -dëü -kaanta 'kwa- 'gü =nɛ -a 'ka bhë -a =nɛ, kö mɛ -nu 'ö 'wun 'gbee- -yö -wun 'gü. Yi =klang' 'ö -gban =zuö' -de nu =klang' bhë, 'wo mɛ -nu -kë -an 'ka, 'ö =wa -gi wo =zuö' 'gü 'gü bhüö -dhebokɔ -bha -a -wun =daan- -a 'ka bhë -a -wun 'gü, 'iin -blɛɛ 'sɛgüme 'kpɛkɛ -dhë. -A 'zü mɛ -nu 'wo go wo =plöö dodo 'ka =klang' bhë -a -ta bhë -an -wun 'gü.

Pë 'bin =plɛ 'wo =nɛ -wo -bhɔ wo 'koë- 'kɛ -a do =zaadhe 'slɛaga -ya -bha -an =mɛ'



'Ka yën 'sëedhe =nɛ -a pö -sü -bha -ka ka -bha -zotadhe -nu bɔ yi -dhë. Yi 'yan -yö ka -bha 'sëedhe -nu -go.

Mɛ -nu 'wo 'sëedhe 'ö =nɛ -a =bɛɛn -an 'tɔ 'wo =nɛ Sai Zoziasü, -Kese Mɔyan, Zafe 'Dhoogbö, Valangten Vidrinö waa- Edhena Pɛdhekwalösökaya 'wo go Lusi -sɛ 'gü 'ö yöë Hanɛsü 'ö go suisü -a -bha. Yi -bha 'sëedhe kë -dhe 'nimlo 'ö =nɛ : SIL 08 BP 857 Abidjan 08 Tel : 22 43 12 72